

Is festas e is sagras prus importantes de Sant'Andria 'e Frius



In Sant'Andria 'e Frius est ativu s'Assòtziu Culturale e Folcloristica Santu Isidoru de Sant'Andria 'e Frius, chi in is esibitziones in sa bidda e in àteras localtà de s'isula est possibile a ammirare su costùmene traditzionale antigu. Tra is festas printzipales e sagras de Sant'Andria 'e Frius est a remonare, in ghenàrgiu, is fogheras in onore de Sant'Antoni de su Fogu e de Santu Sebastianu; in freàrgiu, su Carnevale, mutidu Carnevalli Santandriesu ;in s'ùrtima chida de maju, sunt acrobadas, in sa Festa Manna, sa

Festa de Santa Andria de Maju, chi fiat sa Festa de is pastores, e sa Festa de Santu Isidoru, chi fiat sa Festa de is massajos; sa prima domìniga de austu, ddoe est sa sagra importante meda de a mèndula, acumpangiada dae mustras artesanales e de ispetàculos musicales, in ue est possibile tastare sa variedade de durches a base de mèndula, e in prus ddoe tenet fintzas su cuncursu pro su mègius Gatò, durche a base de tzùcaru e mèndula. Su 15 de maju, sa Festa de s'Assunta, pro sa cale sa die de su gèsperu s'acumprit sa missa e sa professone cun is istàtuas de sa Madonna, est a nàrrere sa Dormida, chi est carrada dae bator pessones, e cudda chi nche pigat a chelu, chi est giuta dae su trattore; sa prima domìniga de cabudanni, sa Festa de sa Madonna de Bonària , in sa ccèsia de su sartu a issa dedicata; su 30 de onniasantu si tzèlebrat sa Festa de Sant'Andria, un'eventu dedicadu a su Santu patronu.

Su Carnevale de Sant'Andria 'e Frius cun sa Cursa de su dragu

Importante meda in Sant'Andria 'e Frius est su Carnevale , mutidu Carnevalli Santandriesu, chi est tzelebradu in is duas domìnigas postas a caddu de su martis grassu. Sa prima domìniga est dedicata a s'isfilada de is caratzas e de is carros chi isfilant in is bias de sa bidda, cun su cùmbidu de sa tzìpula e fa a totu sa populatzione. Sa segunda domìniga est dedicata, imbetzes, a s'ecuitatzione, acanta is cadderis partètzipant a unu Pàliu chi pigat su nùmene de Cursa de su dragu: unos cantos cadderis, tzerriados Cadderis de Santu Giòrgiu, bestino a braga, depent istichire un'ispadinu in s'imàgine de unu dragu apicadu a unu filu,mentras àteros cadderis faghent is parillias. Sa figura de su dragu est acapiada a unu contu antigu chi narat comente in Pranu Sànguni diat èssere acontèssida una lota intre Santu Giòrgiu e unu dragu, chi diat èssere mortu issambenadu. Difatis in cussu logu non ddoe faghet nudda, ma isceti una ratza de erbagedda ruja, e totu is àteras erbas si sicut.